



《續修四庫全書》編纂委員會編

續修四庫全書

上海古籍出版社

九九五・子部・醫家類

本草綱目拾遺十卷正誤一卷（卷七至卷十）〔清〕趙學敏撰……………一

本草求真九卷〔清〕黃宮繡撰……………一六九

神農本草經讀四卷〔清〕陳念祖撰……………四四五

本草經解要四卷附餘一卷〔清〕姚球撰……………四九九

銅人腧穴鍼灸圖經三卷附穴腧都數一卷修明堂訣式一卷避鍼灸訣一卷〔宋〕王惟一撰……………六一一

十四經發揮三卷〔元〕滑壽撰……………六七九

2428/05

本草綱目拾遺

本草綱目拾遺藤部目錄

雞血藤膠 七金藤 鹿角藤

買麻藤 紅木香 紅皮藤 雷公藤

藤黃 金鎖銀開 乳藤

蝙蝠藤 皆治藤 無根草

麥裏藤 白毛藤 天莖草

松蘿 松上寄生 楓上寄生

蛇莆藤 李頭藤 龍鬚藤

臭藤根 黃練芽 木龍藤

萋油

本草綱目拾遺 卷七目錄

本草綱目拾遺花部目錄

梅花 梅梗 雪荷花 雪芝 水仙花 子

催生蘭 珠蘭 建蘭花 葷根

玫瑰花 金雀花 金蓮花

佛桑花 寶珠山茶 粉團花 根附

玉簪花 玉蘭花 丁香花

紫茉莉 根 野薔薇 秋海棠

茶菊 城頭菊 金鈴菊 金 睡蓮

瑞香花 子午蓮 桃金娘

假素馨 千金花 梧桐花

本草綱目拾遺 卷七目錄

金鳳毛 十姊妹 兩韭

罌粟子油 佛前舊供花

據湖北省圖書館藏清同治十年吉心堂刻本影印原書版框高一六五毫米寬二四二毫米

本草綱目拾遺

二〔清〕趙學敏撰

本草綱目拾遺果部上目錄

延壽果

櫻額

倒吊果

飛松子

茶朮子

椰油椰中酒 椰皮

肉

宜母果

天師栗即娑羅子

化州橘紅

橘瓢上絲 製柑橘餅

青鹽陳皮

橘餅 菓

荳蔻檳榔

瑣瑣葡萄

南棗山菓

落花生油

核桃油

阿月渾子

薯良

無漏果

炸大海

藕粉節粉

菱粉蒂殼

芡粉

本草綱目拾遺

卷七目錄

三

本草綱目拾遺卷七

錢塘趙學敏恕軒氏輯

藤部

雞血藤膠

產猛瀾去雲南昆明計程一月有餘乃藤汁也土

人取其汁如割黍然濾之殷紅似雞血作膠最良

近日雲南省亦產其藤長巨蔓地上或山崖一莖

長數十里土人得之以刀斫斷則汁出如血每得

一莖可得汁數升彼處有店市之價亦不貴乾者

極似山羊血取藥少許投入滾湯中有一線如雞

本草綱目拾遺

卷七雞血藤膠

血走散者真。雲南志順寧府出雞血藤熬膏可

治血症。滇遊雜記雲南順寧府阿度里地方有

一山綿亘數十里產藤甚異粗類棹梁細似蘆葦

中空如竹剖斷流汁色赤若血故土人名之爲雞

血藤每歲端陽日攜帶金甌入山砍取熬煉成膏

泡酒飲之大補氣血與老人婦女更爲得益或不

飲酒者早晚用開水化服亦能奏效。

按順寧州

順寧府順寧縣阿度吾山產此又云阿度吾里萬

名山寺龍潭所產戰于郡志有二種其一種起

鼓丁刺者尤佳或盤屈于地或附樹而生伐之

通細絞汁凝如脂煮之有香者真或云兩種糯者

爲雌放者爲

雄應昌附注

壯筋骨已酸痛和酒服於老人最宜。治老人氣血虛弱手足麻木癱瘓等症。男子虛損不能生育及遺精白濁。男婦胃寒痛。婦女經水不調赤白帶下。婦女乾血勞及子宮虛冷不受胎。陸象成云曾見婦人合藥服之多年不育者後皆有子。滇志雞血藤膠治風痛溼痺性活血舒筋患在上部飽食後服在下部空心酒服不飲酒者滾水調服其色帶微綠有清香氣酒服亦能興陽尤明府佩蓮云此膠治跌打如神其太夫人一日偶閃跌傷臂痛不可忍用山羊血參三七治之多不驗有客教服此膠沖酒一服其疾如失其性捷走血分可知

順甯土人加藥料煎熬雞血膏其煎膏之時忌有孕婦看見決熬不成亦神物也統治百病能生血和血補血破血又能通七孔走五臟宣筋絡治婦人經水不調四物湯加減入珍湯加元胡索爲引婦女勞傷氣血筋骨酸痛轉筋牛膝杜仲沈香桂枝佛手乾木瓜穿山甲五加皮砂仁茴香爲引大腸下血椿根皮煎湯送下男子虛弱八味加減爲引服此膠忌食酸冷

本草綱目拾遺

卷七 雞血藤膠

二

吾杭龔太守官滇帶有雞血藤回里予親見之其藤皮細潔作淡黃色切開中心起六角稜如菊花樣色紅四圍仍白色乾之其紅處輒突出二三分許竟成紅菊花一朵亦奇物也聞其藤最活血暖腰膝已風癱戊申長兒景炎在四川叙州府與滇之昭通接界因囑其往覓此藤所寄來者外形不殊而中心惟作小紅點乾之亦不突起據來書云實金沙江土司山所得然與龔太守所帶來者絕不相類豈此藤亦有二種耶附記於此以俟考

本草綱目拾遺

卷七 雞血藤膠

三

曾宦滇南歸里蒙贈雞血藤膠皆方塊每塊一二兩不等外塗以廬灰作白色剖視其內皆黑色如膏藥膠狀云風癱痺痛有效其外灰見水即脫去據言其藤產騰越州銅壁關外新街所屬地遍山谷皆是新街守弁每歲輒命卡兵斫取熬膏除饒遺各上司及僚友外餘剩者轉市客商販入中土藉沾微利以爲守資渠所有即售自彼處也外必以廬灰飾之庶久藏不壞因帶歸以示兒子景炎則又全非其所見景炎曾館昭通大關司馬白公家見其所藏雞血藤膠猩紅成塊儼如赤玉光潤

可愛今胡公所贈內作黑色或係年久色黯抑係新街所產與大關有別惜不能親歷其地為之細核附筆於此以俟後之君子考訂焉

也金藤

性溫無毒治中風痰迷半身不遂左癱右瘓不省人事痰涎上壅攻心作咽用一錢白湯磨下。小兒急慢驚風大者五分小者一二分白湯磨下立效如神

鹿角藤

一名白毛刺汪連仕方云木本藤也刺長傷人皮本草綱目拾遺卷七也金藤鹿角藤買麻藤紅木香四

肉立腫疼不休又名不薪木山人不砍

性大熱氣臭打痞積治尸氣如神皆用根搗其香

糟卷之

葉 蒸酒服能鑽筋透骨

子 食之大能醉人

買麻藤

職方典出肇慶緣樹而生有子味苦可食山行斷取其汁飲之可以止渴。粵志買麻藤其莖多水渴者斷而飲之滿腹已餘水尚淋漓半日性柔易治以製履堅韌如麻故名買藤得麻也

治蛇咬 鮮者乾者俱效

紅木香 紅皮藤

一名廣福藤又名紫金皮立夏後生苗枝莖蔓延葉類桂畧尖而軟葉蒂紅色咀之微香有滑涎根入土入藥用須以水洗淨去外粗皮取內皮色紅者用之入口氣味辛香而涼沁如龍腦

治風氣痛傷力跌撲損傷胃氣疼痛食積痧脹等症俱酒煎服紫金錠中必不可少

雷頭風腫痛貼痛法紫金皮獨活赤芍白芷菖蒲蔥頭煎濃如膏調敷藥到立止如神

本草綱目拾遺卷七 紅木香 紅皮藤 雷公藤 五

汪連仕云金谷香今人呼緊骨香即紅木香一名木臘正名紫金皮土產者功淺入膏用行血散氣

紅皮藤

朱煥齋任城日鈔錢塘門外道姑橋下有紅皮藤

凡患半肢風及大麻風者取藤四兩浸無灰酒一大壺入鍋內隔湯煮三炷香取起飲酒量好者以

醉為度每酒一碗入藥酒三四匙陸續飲至藥酒完則風氣自愈其風從指甲縫中出對指尖以竹

紙鋪几上驗之紙能吹動即是指尖風出也

雷公藤

生陰山脚下列夏時發苗獨莖蔓生莖穿葉心莖上又發葉葉下圓上尖如犁耙又類三角風枝梗有刺○物理小識犁頭刺藤其葉三角如犁頭多在籬邊生可治瘰癧亦可被瘡一名霹靂木方勝板倒金鈎烙鐵草倒挂紫金鈎河白草犁尖草括把草龍仙草魚尾花三木棉出江西者力大土人採之毒魚凡蚌螺之屬亦死其性最烈以其草烟熏蠶子則不生養蠶家忌之山人採熏壁蝨治癰脹水腫疔積黃白疔瘡疾久不愈魚口便毒癰痺跌打除壁蝨莖燒牀下一切毒蛇傷萬病回

本草綱目拾遺 卷七 雷公藤 六

春云凡被蛇傷用板扛歸不拘多少此草四五月生至九月見霜即罕有葉尖青如犁頭尖樣藤有小刺子圓如珠生青熟黑味酸用葉搗汁酒調隨量服之渣卷傷處立愈

白火丹 救生苦海用雷公藤五錢平地木三錢車前四錢天青地白葉三白草各三錢煎服○又洗方雷公藤河白草煎浴

水腫脹 救生苦海平地木三錢雷公藤五錢車前草四錢天青地白草三錢路路通五個打碎煎服重者十服愈

坐板瘡 秋泉家祕烏賊骨五錢雷公藤三錢其為細末擦之乾則以菜油調敷

汪連仕方蒸龍草即震龍根山人呼為雷公藤蒸酒服治風氣合巴山虎為龍虎丹入水藥魚人多服即昏

治翻胃噎膈瘧疾吐血使血喉痺食積心疼虛飽腹脹陰囊腫大跌打閃胸發背疔瘡乳癰產後遍身浮腫 王安采藥方

藤黃

綱目主治條下祇言點蛀牙自落無他治也張石頭云藤黃性毒而能攻毒故治牙蟲蛀齒點之即落毒能損骨傷腎可知葉氏得宜本草云服藤黃藥忌吃烟按三黃寶蠟丸黎峒丸俱用藤黃以其善解毒也有中藤黃毒者食海蜃即解○百草鏡藤黃出外洋及粵中乃藤脂也以形似筆管者良大塊者名牛屎藤黃不佳入藥取色嫩純明者用水蒸化濾去渣盛磁器內隔水煮之水少時再添煮乾以三炷香為度以帛紮磁器口埋土中七日取出如此七次曬乾用○粵志廣中產黃藤熬汁即藤黃也性最寒以青魚膽和之治眼疾間有白

本草綱目拾遺 卷七 藤黃 七

者葉如土茯苓身小而長外有籜包以莖浸水洗目並除腫痛

性酸澇有毒治癰疽止血化毒欬金瘡亦能殺蟲

治刀斧木石傷及湯火傷竹木刺入肉一切諸傷

神效膏 用真麻油一筋藤黃八兩白蠟八兩先

將油入銅鍋次將藤黃搥碎熬透以麻布濾去渣

加入白蠟至滴水成珠為度貯磁罐其膏夏老冬

嫩為宜敷之即能止痛止血收口取效如神○金

不換 治跌打刀傷 蘇州周慎庵傳藤黃一兩

研細末麻油四兩白蠟五錢黃蠟一兩將二蠟入

本草綱目拾遺 卷七 藤黃

麻油內銅杓熬化取起放地上一人徐徐下藤黃

末一人不住手攪勻以盡為度即成膏敷於患處

用油紙攤貼網帕縛好一二日即愈

治一切無名腫毒風氣膏 王站柱不藥良方藤

黃四兩白蠟八兩小磨麻油十二兩先將油煎熟

將成珠入水不散再加黃白攪勻磁瓶收面上仍

以麻油養之臨用攤貼○祝氏效方一筆消 用

大黃二兩藤黃一兩明礬麝香各五錢麝香乳香

沒藥各二錢用蝸牛搗爛作錠遇小瘡毒未出癩

頭以此醋磨新筆蘸藥圈外愈圈愈小圈毒消盡

而止○又一筆消方治一切癰腫 雄黃膽礬

砂藤黃銅綠皮硝草烏各一兩麝香二錢為細末

和蟾酥為條如筆管大金箔為衣用時以醋磨濃

新筆蘸藥塗毒四圍數次即愈○消毒散 治癰

疽痛毒及初生多骨疽 良方彙選大黃一兩芙

蓉葉曬乾為末五倍子各一兩麝香冰片各三分

藤黃三錢生礬三錢共為末米醋調成如厚糊塗

於多骨疽之四週中畱一頭如豆大以醋用鷄翎

不時掃之若不掃任圍則無益一日夜即內消其

餘癰瘡亦以此敷之神效 又方雄黃二兩麝香

本草綱目拾遺 卷七 藤黃

三錢藤黃一兩人中白五錢硃砂白芨生白飲各

二錢蟾酥一兩共研末用廣膠三錢烱化和藥末

為錠遇毒將此藥磨醋水塗之○消毒方 治一

切無名腫毒及對口發背 救生苦海用滴花燒

酒磨藤黃敷不住手敷之不至半日即消○無回

丹治一切疔癰腦疽 泉妙方用鱸藤黃雄黃大

黃各一兩蟾酥麝香各二錢血竭甲片炒各五錢

醋磨塗立效○移毒方 救生苦海云如毒生在

肢節穴道險要處不成漏症即為癩人須用此藥

只塗半圈即移過一邊用白芨白蘇三七五倍子

大皂角山茨菰藤黃各等分俱剉薄片除藤黃餘
皆入砂鍋內水浸一日煎汁傾出入水再煎如此
數次瀝淨熬膏以藤黃將水蒸烱加入攪勻再熬
入碗曬乾用時以雞蛋清磨出濃汁新筆蘸塗
又方藤黃銀硃等分醋和敷趕毒至他處出膿如
用穀樹汁調可搽癬一二次即消。大提藥方
圍毒初起凡對口發背惡疽四五日即消。良方
彙選雄黃藤黃麝香各一錢硃砂三分草麻肉三
錢紅昇丹一錢五分先將草麻研如泥後和各藥
研爛用象牙匣封藏外以虎皮包之方不泄氣

本草綱目拾遺 卷七 藤黃

種福堂提藥方治諸毒不起敷之立起藤黃雄黃
各三錢蟾酥紅藥各二錢冰片麝香各一錢草麻
肉一兩先將草麻肉去皮打如魚凍水入諸藥打
成膏磁罐收貯勿令洩氣或云宜紅藥三錢冰片
蟾酥勿用止加麝三分辰砂一錢 又黃提藥方
鬱金雄黃藤黃各二錢牛黃蟾酥礞砂冰麝各五
分巴豆肉八錢草麻肉一兩共搗爛磁瓶貯遇症
放膏藥上少許貼之治一切惡毒未成可消已成
用之化腐疔毒更妙 諸毒圍藥 祝氏效方南
星炒四兩五倍子炒黑白芫炒各二兩藤黃雄黃

炒各一兩其為細末醋調塗重者加牛黃一錢鹿
茸五錢 又種福堂方無膿即消有膿即潰五倍
子一兩白芷六錢藤黃百草霜各三錢生半夏生
南星白芫陳小粉飛麩各四錢其為末紅醋調敷
○箍毒 活人書五倍子略焙一兩藤黃四兩銅
青少許小粉炒八兩作錠用時醋磨塗。一切無
名腫毒 藤黃五錢五倍子二兩白蜜蔥頭各一
兩用米醋調圍患處留頂勿敷。五色蟾酥墨
能立消腫毒雄黃銀硃膽礬韶粉藤黃銅綠礞砂
各一兩麝香一錢其為末蟾酥為條如筆管大水
磨塗

本草綱目拾遺 卷七 藤黃

疔瘡 吳興楊氏便易良方銀硃蛭蟻白甘菊人
中白芫根內白心雄黃藤黃大黃共搗敷上即退
坐板瘡 仙遺拾珠藤黃搗碎用雄豬網油青布
一長條將藤黃糝在網油之上青布捲成條子線
紫緊浸菜油內一夜火燃取滴下油杯積埋土中
一夜出火毒塗瘡即效
五黃散 治一切頑癬 雞脚大黃硫黃雄黃薑
黃藤黃各等分為細末菜油調塗患處七日勿洗
浴全愈

金氏離洞膏 治癩瘡如神 萬應油五兩藤黃

一兩五錢淨黃蠟二兩共熬黑椶色攤貼熬萬應

油法香油六十兩以十六兩官秤作準浸桃枝一

兩柳枝一兩槐枝一兩桑枝一兩葱一兩男髮四

兩花椒五錢草麻二兩馬前四兩草撥五錢桂枝

一兩白芷二兩夏浸三日冬七日春秋五日然後

熬至渣枯去渣每觔生油熬熟汁得八折此油凡

一切膏藥可作地子

金鎖銀開

百草鏡云俗名鐵邊箕處處山野有之葉似天門

冬葉又似土茯苓葉但差狹小耳藤生或緣石砌

樹上竹林內亦有之非海金沙也其根黑色兩旁

有細刺如邊箕樣故名入藥用根 敏按今俗所

用治一切喉症金鎖銀開乃天蕎麥之根形如累

丸黏結成塊產山上者皮黃汙泥中者皮黑與百

草鏡所言各別或名同而物異耶。李氏草秘天

蕎麥亦名金鎖銀開形若蕎麥治乳癰風毒入諸

散毒藥內取根二分生薑一分水煎服愈治敗血

久病不痊又洗痔血皆佳。李氏草秘又云小青

草藤上蔓有倒摘刺細如稻芒開粉紅花生藍子

本草綱目拾遺 卷七 金鎖銀開

葉似蕎麥又名野蕎麥煎洗痔漏之聖藥

治白濁用根搗汁沖酒服

喉中風火。孫玉庭云其根專治喉閉故得此名

喉風喉毒用醋磨滅喉涎痰去而喉閉自開矣

一痰核瘰癧 不拘何等癰痺結核初起者梁湖陳

府祕方用金鎖銀開須鮮者將來搗汁沖酒服其

莖葉用白水煮爛和米粉作餅餌食之不過二三

服立消若破爛者以梁上烏龍尾揉去粗屑納瘡

中外貼膏藥亦服根汁吃餅餌五六次自結痂而

愈

本草綱目拾遺 卷七 金鎖銀開 乳藤

洗痔漏治蛇傷木蛇毒搗汁和酒服 草蕪

王連仕采藥書金鬚斜俗呼金鎖銀開其苗柔而

堅性不斷今名象毛力能軟堅化痞合米醋搗汁

鹽口能開鎖纏喉風雖枯根亦可透鎖喉

乳藤

粵志乳藤蔓如懸鉤倒挂葉尖而長斷之有白汁

如乳婦人產後以藤搗汁和米作粥食之乳腫自

通。初生嫩條可食其大實曰冬榮子大如椰子

中有瓢瓣瓣相蓋白如猪脂炙食皆甘美身懷數

日香不減秋末冬初間采以相餉矜為服食之珍

本草綱目拾遺 卷七 金鎖銀開 乳藤

行血通乳粵志 ○李氏草祕乳汁藤生山麓林中

高二三尺葉似葡萄子藍色一叢根皮搯之出汁如乳為諸乳毒癰瘡中之聖藥

排膿散毒生肌止痛消腫益血痛不可忍者卷之即止已成未成已潰未潰始終皆不可少李氏草祕

汪連仕草藥方乳門草即乳汁草又名土嫺嫺性寒涼行乳汁通氣而能入血分根止痢疾 細藤者即遍地金又名雞盲草合雞肝蒸服專治小兒一切疳眼

蝙蝠藤

本草綱目拾遺

卷七

乳藤 蝙蝠藤皆治藤 無根草

十四

此藤附生岳壁喬木及人牆茨側葉類葡萄而小多歧勁厚青滑絕似蝙蝠形故名

治腰疼癩癧

腰疼 澹寮試效方用蝙蝠藤二兩老人用三兩

酒煎服二劑即痛止不可再服若多服一劑腰反

傾倒不支

皆治藤

蔓延牆壁間長丈餘葉似泥藤中暑者以根葉作粉食之虛損者雜豬胃煮服

無根草

采藥錄此草無根無葉生在柴草上纏結而生名

無根金絲草色有紫有黃。百草鏡無根金絲草一名大焰草即兔絲苗也生毛豆莖上者佳此草

與女蘿相似以色黃如金而細如線者真若色紅紫粗類燈心者名女蘿又紫背浮萍亦名無根草與此別。藥鑑無根金絲草莖細而赤無葉無根

惟有青色細纒附於莖際蔓延極長多纏草木上其性涼味微甘利水治溼熱三四月採。李氏草

祕纏豆藤一名豆馬黃無葉有花子即兔絲子最治血解豆瘡毒難產酒煎服

本草綱目拾遺

卷七

無根草

十五

藥性考金絲草無根葉用苗此藥功在涼血散血故治癰疽腫毒諸症味苦性寒吐衄崩便咳咯諸

血服之能止解諸藥毒瘡癩疔癰惡瘡。臺志利

水通淋。葛祖方治狐臭騷氣辟汗愈瘡。百草

鏡治癩淋濁痢帶下黃疽預解痘毒敷紅絲疔

消毒保嬰丹 王之才醫便凡小兒未出痘瘡者

每過春分秋分日服一丸其痘毒即漸消化若只

服一二次者出痘稀少若服三年六次者永不出

痘此方屢驗萬勿輕視 纏豆藤一兩五錢其藤

八月收取毛豆莖上纏繞細紅絲採取陰乾以此

爲君妙在此藥上黑豆三十粒赤豆七十粒山查肉一兩新升麻七錢五分生地黃荆芥防風川獨活甘草當歸各五錢連翹七錢五分黃連赤芍藥桔梗各五錢牛蒡子一兩硃砂另研甘草同煮過去甘草一兩五錢苦絲瓜二個各長五寸隔年經霜者妙燒灰存性右藥爲極細末砂糖拌勻其擣千餘下丸如李核大每服一丸濃煎甘草湯化下其前項藥預辦精料遇春分秋分或正月十五日或七月十五日修合務在虔誠忌婦人雞犬猫孝服見之合藥須淨室焚香向太陽祝藥云神仙真

本草綱目拾遺

卷七 無根草

麥裏藤

七

藥體合自然嬰兒吞服天地齊年吾奉太上老君急急如律令勅一氣七遍

慈惠小編治小便不通諸藥無效。金絲草一握全韭菜根頭煎湯洗小肚卽通金絲草多附黃豆莽上無根無葉細絲如棕色近水灘諸樹上皆有之

麥裏藤

各麥地皆有臨安縣鄉間尤多四月採之莖纏麥上葉類神仙對坐草而畧尖微有毛葉對節生莖細節微紫葉小者佳葉大者無力

跌撲 張氏傳方以乾者一錢酒煎服
白毛藤

亦名天燈籠又名和尙頭草白毛藤生人家牆壁上莖葉皆有白毛八九月開花藕合色結子生青熟紅烏雀喜食之。百草鏡白毛藤多生人家園圃中墻壁上春生冬槁結子小如豆而軟紅如珊瑚霜後葉枯惟赤子纍纍懸墻壁間俗呼毛藤果採其藤乾之浸酒云可除骨節風溼痛止血淋瘧疴氣汁滴耳中止膿不乾入藥內保腫毒不大治癩痺用煮牛肉精者食之。清溼熱治

本草綱目拾遺

卷七 白毛藤

天毯草

七

黃疸水腫小兒蛔結腹痛。採藥志云性熱活血追風生血治鬼箭有效

風痛 楊氏驗方桑黃二兩白毛藤二兩切碎用紹興原場酒六觔煎三炷香每日服一飯碗黃疸初起 百草鏡白毛藤神仙對坐草大茵陳三白草車前草各等分白酒煎服

大氣腫 不藥良方用白毛藤無灰酒服

天毯草

一名盒子草俗呼盒兒藤好生水岸道旁苗高三四尺葉如波斯花有小絨五月結實爲毳毼內生

黑子二片生時青老則黑每片渾如龜背又名龜
兒草丹術家取其汁伏硫汞根伏雌雄○百草鏡
鴛鴦木髓一名水荔枝盒兒藤葉長尖有鋸齒生
水涯蔓生秋時結實狀如荔枝色青有刺殼上中
有斷紋兩截相合藏子二粒色黑如木髓而小孫
氏丹方盒子草子及葉有小毒蔓生岸旁葉尖花
白子中有二片如盒子 綱目附於槎藤後花實
根形俱不甚詳

性有小毒主蠱毒及蛇咬搗敷瘡上即愈

瘡積初起 百草鏡云鴛鴦木髓三錢煎服愈

本草綱目拾遺 卷七 天龍草 松蘿 松上寄生

敏按此草似預知子近時人罕用而吳氏遵程著
從新以預知子為近日所無直不知即天毯草也
世不用而草醫又易以他名

松蘿

山川志出武當山生高峰古木上長者丈餘

治蛇虎傷湯火烙傷及頑瘡等症 藥性考松蘿

甘平能平肝氣瞋怒痰熱溫瘧吐痢頭風頭瘡癭

癭結聚亦能探吐膈痰去熱

松上寄生

利水導痰除胸中熱

楓上寄生

汪連仕云吊殺糊絲一名上樹糊絲又名鑽角絲
兒乃楓樹上風木藤至年遠結成連珠傀儡能追
風不換時刻酒蒸服加金雀根土當歸石床花根
石蠶治癱瘓勾急之要藥

蛇甫藤

職方典產福益莖細葉如猴耳

治喉齒百病

李頭藤

職方考產福益其藤腐朽者可代香用

本草綱目拾遺 卷七 松蘿 松上寄生

止嘔血活經絡

龍鬚藤

粵東小錄藤產東莞微細如髮直起數丈無一節

常飛越數樹如千百游絲牽綴紅者名紅龍鬚紫

者名紫龍鬚有五色然生無根蒂以穢物投之即

消釋不知所去土人以其液和細土石灰塗瘡

釜其堅如鐵雖猛火不裂其花與子皆入藥

浸酒服補筋骨祛風解毒能循脈絡無微不至

藥性考五色龍鬚藤細如髮生無根蒂掛樹長

臭藤根

草寶云此草二月發苗蔓延地上不在樹間係草藤也葉對生與臭梧桐葉相似六七月開花粉紅色絕類牽牛花但口不甚放開搓其葉嗅之有臭氣未知正名何物人因其臭故名爲臭藤其根入藥本年者細小二三年者大如萊菔可用。李氏草秘云臭藤一名卻節對葉延蔓極臭煎洗腿足諸風寒濕痛拘攣不能轉舒如神。汪氏藥錄臭葡萄蔓延而生子如葡萄而臭治風又云野葡萄氣重味臭功能敗腸胃之癰

治瘰癧 用根煎酒數服自愈未破者消已潰者斂
本草綱目拾遺 卷七 臭藤 黃練芽

治風痛腸癰跌打損傷流注風火痺毒散鬱氣洗
疝合紫蘇煎湯 汪連仕方

黃練芽

今呼黃連芽一名黃棟頭春初采嫩芽小兒生食之取其清香可口味帶苦澁如黃連故名亦可以鹽湯焯食漉出曝乾爲鹽菜暑月食之。百草鏡此物藤生引蔓大樹上葉如桑寄生尖長柔滑頗光潤肥厚二三月枯枝生芽淡紅色如椿芽生食苦中帶甘入口生津安徽人家多醃以爲菜與芹

芽椿芽蘆芽並重。藥性考云葉似槐而尖嫩時揉乾代茶勝茗木甚細膩苦中帶甘味如橄欖鹽食酸甜解喉痛咽哽消熱醒酒舌爛口糜嚼汁可解

味苦澁性寒解暑止渴利便 食物宜忌 生津明目 清積熱解毒 藥檢

敏按方以智物理小識黃棟頭一名回味俗呼黃連頭樹分葉如椿大者合抱春采其葉味苦而甘皮可合香入藥治痢及霍亂綱目遺此未收如方氏所云則木也與百草鏡所云互異或地土有不一
本草綱目拾遺 卷七 黃練芽 木龍藤 蔓油

木龍藤

同耶抑其物本有二種耶並存俟考
周益生家寶方藤出錢塘橫山喜沿人家牆壁及石崖上土人多識之

治肺癰吐瀉腸癰脇癰四症搗汁老酒沖服冬月以酒搗取汁二碗服立消

蔓油 按蔓即扶留藤

蔓即蒟也嶺南人取其葉合檳榔食今人名檳葉用其葉封固曬半載收貯待用可留數十年非獨疏積滯消瘴癘治病亦夥惟西洋人有之